

عمر السوهاجي

حلم فاقد الذاكرة

أشعار

الطبعة الأولى مارس 2018

بطاقة الكتاب

عنوان المؤلف : حلم فاقد الذاكرة
المؤلف : عمر السوهاجي
التصنيف : شعر
رقم الإيداع : 7045- 2018
عدد الصفحات : 100
رقم الإصدار الداخلي: 157
تاريخ الإصدار الداخلي: مارس 2018
الإخراج الفني: دار النيل والفرات للنشر والتوزيع (فرع المنيا)
مدير فرع المنيا الشاعر جابر الزهيري

جميع حقوق الطبع والنشر محفوظة للشاعر، ولا يحق لأى دار نشر
طبع ونشر وتوزيع الكتاب الا بموافقة كتابية وموثقة من الشاعر

دار النيل والفرات للنشر والتوزيع

سجل تجارى : 13242
بطاقة ضريبية : 165-5-00031-572-01-35
رقم التسجيل : 2017-7 544-662-202
E-mail: alnile waalforat@yahoo.com
twitter: النيل والفرات
youtube: alnile waalforat@yahoo.com
facebook: alnile wa alforat
هاتف : 01011256943 - 01116202218 - 01202541192
الشرقية - العاشر من رمضان - مجاورة ١٣ - عقار ٣٠٤ - الدور الثاني - أمام سنتر ١٣



الإهداء

إلى روح اللي عملني المرجلة
أستاذي و شيخي و صديقي و أبويا
الشيخ أحمد أبو عمرة السوهاجي
زرعتك إبتدت تطرح

عمر أبو عمرة

تحيا مصر

تحيا مصر

يالى بتقول تحيا مصر ...

أيوه تحيا !

بس كيف ؟ ...

والهم فيها ف كل ناحية

والفقير..... مش لاقى ياكل ..

والرغيف جاي بالمشاكل ..

والحياه سوده وكحله ...

يبقى قولى ازاي هتحيا ؟

كيف هتتحيا وشعبها ...
فى الجهل غارس
كل همه ... ماتش كوره
و انه ياخذ البطولة
وطز حتى فى المدارس
فى اللى فاهم...
واللى دارس...
بس عنده الماتش أحلا
يبقى قولى ... إزاي هتتحيا؟؟
كيف هتتحيا؟؟
والبلد !!
بتزيد ديونها كل يوم....
والحكم فيها بالورق ...

مش بالقانون

وإن كنت ناوى تعترض ...!!

هيكون مصيرك السجون ...

وتنام فى طين

وتقوم ف وحلة

وانت جاى بتقولى تحيا؟؟

أيوه تحيا تحيا مصر

ومصر تحيا

بس تحيا بالعدالة بالكرامة والشهامة

بالمصانع والعمالة

بالشباب اللى ف سجونها

ومحبوسين

من غير إدانة

لما تبقى ايدينا واحدة

.... تحيا مصر ...

ومصر تحيا

ابن مين ؟

يا أمّا ليه
بتقسی علیا ؟
ما تقولیلی !
عمری كله
عشته لیکی
وبتهینینی !
یا أمّا قولی
وعرفینی !
هو انا مش
برضه ابنك ؟

ولا كنتى بتخدعنى !!

ليه تفرقى

فى المعامله

ما بين ولادك ؟

تدى حقك للى

خانىك

واللى صانىك

بتبيعيه

وان جه ف يوم

وغار ليكى

ما بين حيطانك

تحبسيه !

يا اما قولى

وعرفيني !!
تبقى أُمى
ولا مين ؟
ياللى قال الحق
فيكى
أدخلوها آمين

أحزاني

ضاقت علي

الدنيا.....

وداست علي

أوجاعي !

ولا حد حاسس

بيا.....

ولا للوجع ناعي !

بضحك ف وش

الخلق.....

وانا للهموم راعي !

واكتم بقلبي

الجرح.....

واضحك بدون داعي !

أحزاني زي

السيل.....

... بتفويض بأوجاعي !

غرقان ومالي سبيل.....

... غير ربي

ودراعي !

ما انا اللي

طول عمري.....

... تايه في أحزاني !

عالم في بحر الدين.....

وكأنه

..... عنواني !

بتمني الاقي دليل.....

أو شط

..... يلقاني !

عالم حياتي ف ويل.....

والذلة قتلاني !

ما انا اللي كنت عنيد

والعزة.... وخداني !

لا فاد في يوم عندي

... ولا حتي ...

..... خلاني !

أفرح في يوم عرسي
والحزن... بكائي !
آه لو رجعت بعمرى.....
.....في الدنيا من
تاني !
لزهدت فيكى
يا دنيا
... وعشقت ...
..... حرمانى !

أخبار سعيدة

أخبار سعيدة فى
الصحافه والأذاعة

بينادوا بيها

ف كل بيت

وف كل

ساحة

مبروك يا عم

مبروك يا

خال

ده الجيش ضرب

سد البغال

والسد مش راح

يبقى هم

والبركه !

ف ايدين

الرجال

اشرب واروى

ف زرعتك

ده النيل

رجع أكثر

ما كان

والفولت زاد
والنور فرش
ألحانه ترسم
ع الحيطان
كان نفسى افرح
بالخبر
بس الخبر !
كذبة امل !
منشوره من
وحي الخيال
معقوله اعيش يوم
ع المطر ؟
وانا نيلى كان

علو الجبال !
وف شرع مين
لما البطل ؟
يستنى حصته
م العيال !

كثرت مآسينا

ومن الواحات.... للعريش

وسينا

كثرت مآسينا

خيم شراع الموت

ودق الوتد

فينا

ولبسنا توب العااار

وسال دمنا

بدينا

بعد أما كنا احرار

والعزه تاج

لینا

قتلوا السجود بالنار

وقف وسط

أهالينا

والدم سااال امطار

فرق خطاوینا

ملعون أبو الافكار

اللى تخون

دینا

نادم

انا التوب اللي كان

ملفوف علي ...!

.... جسمك !

وكان راسمك....

أميرة ف قلب....

بستاني

وانا العقد اللي كان

نايم علي

.... صدرك !

مكان قلبك

بينشد فيكي.....

.... أَلحاني

.... خلاص العطر....

.... راح مني

.... وطبع الغيره...

..... خلاني

أدوق المر من

..... ظني

واعيش في الدنيا

وحداني

فسامحيني !

ما انا الجاهل...

غرست بايدي.....

أحزاني!
وانا بالعشق....
مش كافر!
ده غيرة العشق
عمياني
بزيح الفرقه....
وبعافر
منايا الفرحة..... تلقاني
وكل ما اقوم.....
واقول هانت!
بلاقي الدنيا كفياني!
ا
بلاش تبقي انتي

..... والدنيا
علي القلب اللي
.... كان جاني
خلاص قدمت أعذاري
وجرحي ف قلبي أدماني
خريفك طاح....
بأوراق
وسدك جف
أغصاني
ورحك ساكنه جوايا
كما الاعصار بتلقاني
ف بزيادة!
ده انا ندمي ما بين إيدك !

بقدمه ليكي كرباني

خروف مدبوح...

..... بسكينك !

وعشمي الهم ينساني

فسامحيني !

وعيدي زمانا

من ثاني

ما انا عقدك

وانا توبك

وانا الطيب.....

... وعرفاني

وصية للقلم

او عاك تخاف يا قلم

من اللى عليك

صالوا

ده انت لكتابى العلم

بيك الحكم

قالوا

ريشتك كحد السيف

والحق

عنوانه

فاوعاك تميل للزيف

لو بالحمول

مالوا

قدرك تعيش رجال

فارس على

ضهرى

ألف بيك وديان

شادد لجام

فكرى

حبرك

حبرك دوا الغلبان

تغرفلوا من

نهرى

وان سال عليه الطوفان

خليه ف قفاك

محمى

إحنا السبب

إوعاك تقول إن

اليهود

... هما السبب

فى اللى إحنا فيه

ده اللى احنا

فيه أسباب

... تعود

لكتاب ودين

أهملنا بيه

ده إحنا السبب

و اوعاك تقولي

ازاي وليه ؟

... قلب معايا في

الورق

.... وارجع معايا

لكااام سنه

أيام صلاح

و أيام عمر

أيام ما كان

الدين حما

كنا الاسود

وسط الأمم

ورائتنا كانت

ف السما
كان الكتاب
لينا الود
وسلاحنا وقت
الملحمة
فاكر كمان لما
اليهود
هتكوا بعرض
المسلمة
صرخة قيودها
بأعلى صوت
والمعتصم
لبي النداء

فإِوعَاكَ تَقُولُ أَن

الْيَهُودَ

هُمَا السَّبَبُ

فِي الَّلَى أَحْنَا

فِيهِ

دِه الَّلَى أَحْنَا فِيهِ

أَسْبَابُ تَعُودُ

لِكِتَابِ وَدِينِ

أَهْمَلْنَا فِيهِ

أنا المصدوم

أنا المصدوم

ومش عارف

أقولك إيه ؟

ما انا المصدوم !

وانا اللي بحبك

اتحدثت

صعاب الكون !

واشيل همك

على كفوفى

وابات مهموم !

وبتحمل !
عشان عينك
بأفراحي !
تدوق
النوم
وانا المجنون !
عشان ما ف يوم
ما خلّيتك
لعشقى بحور !
وجوه القلب
سميتك بنور على
نور
دفعت تمنها من

قلبي الى

بات

مكسور

واقولك ايه ؟

ما انا المصدوم

رسالة من شهيد

انا المقتول

على حدودك

انا حارس

تراب ارضك

ودره ف قلب

عنقودك

انا شعبك

وانا جيشك

وانا الشرطه اللى

بتصونك !

وفى الآخر

انا مصرى

بمسلم فيكى

ومسيحى

ونبع الخير

ده من أصلى

ورافضين انا

نخونك !

حرام الفرقه

هدتنا

وخلتنا ... بنتفاخر.....

..... بتوب الغش

فى هدومك !

وأصبح لنا

..... میت عنوان

و أحزابك !!

ولا الكسلان

بِتَّكَاتِلْ عَلٰی مَیْنِ

يملك الكرسي

ولو كان حتى

هَيخُونَك !

نسینا لما قالوا ...

زمااان

بإِن القوة ف الوحدة !

..... وبالفرقه !

شعوب تتهان

رفضنا !
نبقى إيد واحدة ...
وكلمة حق تجمعنا
علي خاين ...
سقانا المر
والحرمان !
بطلقة غدر
قتلوني
وانا واقف ...
حارس بابك
وحتى الأهل
حرموني
وكنت حاميكى

.... بوابك
وجتلى الضربة
من ضهرى ...
وأهلى وناسى ...
.... غدروبي !!
و آه ميت آه.....
على بلدى !
و آه يا ويلى
من دونك !
ويصرخ قلبى ...
بالحرقة
بميت لعنة
على الفرقة

وانا بالعشق....

مفتونك !!

انا ألى

ما كانش بطلقه

سكنتنى

وسال دلى

كسيل النيل ...

بعروقك

انا ألى

بضربة غدر.....

وجعتنى

وانا واقف

على حدودك ...

وجتلى الضربه

من مصرى

وده وجعى !!

ويا ويل ويلي

من قهرى ...

ومن ألمى

ده كيف هانت

عليه نفسى؟؟

ده انا مصرى !!

وأجمل شامة ...

فى خدودك

بوصيكي !

يا أم الدنيا

.... يا بلادی

..... علی ولادی

ده كان فيهم ...

رضيع مفطوم ...

بينطق حرف ...

ويقول بب ...

وينادی !

عشان تكمل ...

بكلمة با با ..

.... أو دادی !

خلاص الحرف ...

تاه منه

وفی غیابی !

ده مين هيشيل

هموم عنه

ومين هيجن ...

ويدادى ؟

يتيم عايش ...

على ظنه

يشوفنى راجعله

من تانى

وانا همى

على همه

وسدة قبرى ...

..... منعانى

خسرت يا قاتل

أخواتك !
وقتلک لیا ...
أحیانی !
ده انا کان خوفی
أتحاسب
وغدرک بیا
نجانى !
دخلت الجنة
بالزفة
شهيد الغدر.....
عنوانى
وحورها بدمى
تتحنى

عشان بالزينة

تلقانى

واديك فى الدنيا

... متخفى

وزى الكلب

بتعانى

لا دنيا وأخرة

تتهنى

عليك غضبانة

أوطانى

بعد الفراق

ياللى سبت النار

بتحرق

جوه قلبي من

الانين

راجعلى ليه

بتقولى اصدق

إن ف رجوعك

حنين

عمرك انت شوفت

زرعه

تحيا عطشانه

لسنين ؟

ايوه زرعى !

لما مطرك يوم

جفانى

سد عطشك

دمعتين !

بس دمعى سال

معانى

رد فى عروقى

الحياه !

شد أغصاني اللى

دبلت

بعد ما نيك

جفاه

ايوه دمعى كان

لى حنضل !

بس عندى كان

لى أفضل !

من غسل

معجون

بآه

بيندهلى

بيندهلى.....

بصوت مدبوح

وحاسس بيه

بيتوجع
كلاب الليل
محاوطينه
بينهشو فيه
عشان
يركع
وبيني وبينه كام
خطوه
وشايفه بعمته
الخضره
أسد ع الارض
متربع
على يمينه

شجر زيتون بيتمايل

ودمعه

ع الفروع سائل

حزين مكلوم

على خله

وخله للهموم

شائل

ويندهلى !!

وانا المغلوب على

أمرى

ده كل ما رجلى

بتخطى

بلاقى قيودى

سحبونى
وأعيد الخطوة من
تانى !
ده لو جه ف يوم
وفكونى
فى طرفة عين
هيلقانى
ما بين رجليه
أسد ثاير
ومزع همه
بسنانى
ويندهلى !!
بنبرة صوت

خانقها الموت

معتبانى

ده كيف تنسى ؟

ومن بعدى !

ما ليك من شط

ولا مرسى !

ودمع العين

على خدوده

سهام تقتلنى

بالحسرة ويندهلى !!

ده انا

الأقصى !

حلم السنين

حلم السنين جوايا

مات

والفرح أصبح

ذكريات

جاوبيني يالى معاكى

عمرى ما شوفت

فرح

هو انتى غاويه

تعذبينى بألف

جرح

ولا العسل
مكتوب عليه يداق
بملح
كل الحريم بتغذى
أولادها بحنان
اللى انتى وحدك
رابطه فيهم مية
لجام
جاوبينى قولى
وعرفينى
لو كنت خاين
فهمينى

خائف

سهران وطالق

دمعتى

تروى جناين

حسرتى على عمر

فات

سهران بعيد فى

الذكريات

والخوف ملازم

وحدتى

سجان وحابس

فرحتى
ف قمقم ندم
مكتوب عليه دوق
العذاب
غصنك خلاص أصبح
هرم
آن الأوان ويكون
عدم
والفعل مرهون
بالحصاد
وانا يالى عشت
ف دنيتى
تارك كتابى

وسنتى
وكأنى مخلوق للخلود
اغلط واعود
ومليش حدود
إيه العمل وقت
الحساب
جاوبينى يالى
بتؤمرينى
بكل سوء
خجلانه ليه ومتكتفة
بتوب السكوت
والا إنتي عثمانه
النجاة

عقد الذنوب صاحت

حباله بأعلى

صوت

جاء منتهاه

والذنوب صعب ف يوم

يموت

الا بصلاة

ذنب مات

ياللى سبت النار

بتحرق

جوه قلبي من

الانين

راجعلى ليه

بتقولى اصدق

إن ف رجوعك

حنين

عمرك إنت شوفت

زرعه

تحيا عطشانه

لسنين ؟

ايوه زرعى !

لما مطرك يوم

جفانى

سد عطشك

دمعتين !

بس دمعى سال

معانى

رد فى عروقى

الحياه !

شد اغصاني اللى

دبلت

بعد ما نيلك

جفاه

ايوه دمعى كان

لى حنضل !

بس عندى

كان لى

افضل !

من غسل

معجون

بآه

وانت جاى بتقولى

ارجع !

واحبي شهد

فى مرى

تاه ؟؟

رجوعى لىك

فى العشق

ردده !

لقلب داق طعم

النجاه

وذكره لىك

فى السر

بدعه !

وزهده فىك غاية

مناه

لملم حروفك

لملم حروفك
وافتكّر !
ايام ما قلبى كان
بيغرق
وكان فيديك طوق
النجاه
وانت سبته لوحده
ينحر
ف قلب موج
مجهول
مداه
ولسه جاى
بتقولى

افكر؟؟

انى اعيد فى

الذكريات ؟

صعب انك يوم

هتقدر !

تحبى ذنب فى

قلبى

مات

سامحيني

وشايفك !!

على اعتاب الفراق

تايهه !

بتندهلى دموع

عينك ..

خلاص ما فضلش

غير لحظه !

واكون ذكرى !

فى صورته حزينه

بين ايدك !
وانا ببكى !
ومش قادر !
اسد بحور
غزت روحى !
ولا امنع آها
من نوحى !
وبندهلك تسامحينى !
ونار عجزى
بتفرش ذكريات
عمرى قصاد
عينى
شریط محفور بطوب

تنور على
جبینى
ويهمسلك !
حنين شایل
على اکتافه
هموم مغزوله
بجراحه
ده مين بعدك
هیحینى ؟
ويندهلك بدمع العين
ده انا العاشق !
فسامحینى !

صاحب رجيل

إهداء إلى أخي و صديقي أستاذ مصطفى الوالي

على الأصل دور

وصاحب رجيل

فى وقت الشدايد

تلاقى الدليل

يلازمك فى حزنك

ويفرح بفرحك

وانه يخونك ...

شئ مستحيل

صاحبك ... مرايتك

سرک حکایتک

یصون الامانه ...!

بطبعه الاصيل

بيفديك بروحه

ويكتم جروحه

ويفضل في كتفك

لو كان عليل

وانا ليا صاحب

في وسط الخلايق

في قلبه الحنين

ملوش من مثيل

مشاركنى فرحى

ويحزن لجرحي

وان حاد طريقى
يكون لى الدليل
على الاصل دور
وصاحب رجيل
فى قلب المتاهه
هيكون سبيل

قول يا معلم

قول يا معلم
ووعاك تنسى
ف يوم تتعلم
ان العالم
مات وما كانشى
لسه اتعلم
أصل الدنيا
بحورها غويطه
كلها ظيطة

أخرك فيها

يا دوب

تتكلم

تدرس كلمه

تقرى كتاب

بس ف وسط الجمله

هتلقى

حروف منقوشه بتل

عذاب

وان ظنيت انك

تتعلم

كل ما فيها

يبقى سامحني

مووووت يا حمار
واوعى تظن كلامى
هزار
اصل العلم ده مش
بقرايه
ولا كام كلمه
ف قلب
حكايه
دنيا كبيره
وما لها نهايه
اخر ك فيها درجه
سلم
قول يا معلم

ولا عايزنى تانى

اكمل

قول يا معلم

كيف أنام؟؟

كيف أنام

ونور العين

مفرقاني

لوحدي حزين

وخائف يوم

لتنساني

في عشقي

عليه

وسبب الغلله

حرمانی ..
حرام والله
یا زمانى
حرام والله یا زمانى ...
حرام تبعد
وتنسانى ...
ده نعمه !!
هيا نور
عينى
وهيا الروح
لوجدانى ..
اخاف تتعب
تعبها يهد

بنيانی ...
واخاف تعند ..
... عنادها يزيد في
حرمانی
حرام والله يا
زمانی
ده مهما عشت
طوول عمری ...
عمری ما احب
من تانی ...
ومين يقدر
يعوضنی ???
ده نعمه ..

. هيا وجدانى ...
وشوف الوصف
يا زمانى
عينيها ...
... تخذى البدر
من طله
رموشها ...
..... ما فى زيتها والله ..
وعودها
هيبه ربانى
فى ليلي ..
نورها يكفينى ...
وعطشى !

. بوووسه

تروینی ...

فکیف انسی

حبیب عمری ؟؟؟؟

وکیف یبعد

وینسانی ؟؟؟

حرام والله

یا زمانی...

حرام تبعد

وتنسانی...

هبة النيل

.....

سطر واكتب يا

قلم !

عدل تاريخنا من

جديد

واشطب على كلمة

هبة

وارسم مكانها اسوار

حديد

واكتب كمان ان اللي

مات

كان اصله واحد م

العبيد

كان واد خمورجى

وكان ساعات

ترقص ف احضانه

الحريم

كان طبعه خاين

كان عميل

وقول

وقول

وقول لنيم

وافتح طريق للملحدين

وقول عنيد

غلطان اكيد !

ما هو عبد مملوك

مش امير

نسى ان فرعون

لما مات

ساب من وراه

مية الف

ايد

ساب نسله يرعى

فى خير

وجاه

تركة ابوهم مش

جديد

وقول عليه ملعون

خسيس

عشمان يكون لي

ف يوم

رئيس

وقول

وقول

والهى العقول

ما بين مجاعه وبين

ديون

بس اوعى

تنسى ف يوم
تقول
ان اللى جه بالغدر
يوم
صعب انه يرحل
بالطبور
وقول
وقول

المنيا 3 / 8 / 2012

وحشتينى

على كفوف

الهوى الطائر !

بعثاك

مراسيلى !

رجلى بدمعته

حاير

ومن كفه

الحنين سايل !

بيحكلى !

عن الترحال
وعن سهره !
وعن محبوب
وغاب اثره !
وقال غابت
اراضيكى !
قوليلى ازاي
الايكى !
ده انا المقتول
بأشواقه
وانا المولود على
ايديكى
وانا اللى غزلتى

أحلامه
بتوب مملوك
يواليكى
وحشتينى !
ورب الكون
وحشتينى
ومهما تغيبى
عن عينى
هيفضل شوقى
لوصالك
أمل
فى الدنيا
يحينى

وحشتينى !!
وبفترك !
وعمرک يوم ما
سبتينى
ولا غبتى
فى يوم
عنى
يوماتى الآآه
بتكوينى
وانا عايش على
ظنى
بانى فى يوم
الاقىكى

بتبتسمى قصاد

عینی

وتحکلی !

عن الاشواق

ولیالیها

وغربه ف يوم

سكنتیها

وانا مشتاق

وبسمعك

وامد ایدیا ف

ایدیکی

والف ورودی

حوالیکی

وحضنى يناجى
أحضانك
ولحنى يغيب ف
أغصانك
وادوق الشهد من
نبتك
وكل ما فى
يندهلك
وحشتينى
وادوب ف الفكر
واتمنى
ويوم ورى يوم
وبستنى

نسيم شعرك

يصحيني

والاقي الحزن

فوقتي

على

قبرك.....

قصاد.....

عيني.....

وحشتيني !!

وصانى أبويا

وصانى أبويا ف يوم

وقال !

اوعاك يا ولدى

تعيش

جبان !

و وعاك تطاطى

ف يوم

عشان !

كسرة رغيف

وبكلمه زيف !
تتقاد خروف وسط
الغيطان !
و او عاك تخاف
م الموت فى
يوم !
طبع الرجيل !
طبع الرجيل بيموت
بآه
اما العويل !
مسحوبه روحه بألف
آآآآه
عشمان تطول بيه

الحياه !
والموته واحده
وكله دين
فاسمعها منى
فكلمتين !
خليك فى نفسك !
واوعاك فى يوم تتباهى
باصلك !
ده الاصل فيك !
زرع وحصاده
ما بين
ايدك
بايدك تكون وسط

الرجال !
علو الجبال
او تبقى سيرتك
معيبه ف خشم
العيال !
خليك رجيل !
طبع الرجوله
مش كلام !
ولا علو صوت
او طول
لسان !
ولا عمره هيكون
بالعلام

طبع الرجولة في

الأمان !

والدنيا لنا زى

دار !

مكتوب عليها دين

تدان !

فاوعاك تغرك

بالجمال

ومات ابويا وخذ

معاه

سندى اللى

كان !

وتركلى ورثه

ف كلمتين

حسن

الختام !

الفهرس

م	المحتوى	الصفحة
#	بطاقة الكتاب	2
#	الإهداء	3
1	تحيا مصر	4
2	ابن مين	8
3	أحزاني	11
4	أخبار سعيدة	15
5	كثرت مآسينا	19
6	نادم	21
7	وصية للقلم	26
8	إحنا السبب	29
9	أنا المصدوم	33
10	رسالة من شهيد	36
11	بعد الفراق	47
12	حلم السنين	54

56	خايف	13
60	ذنب مات	14
66	سامحيني	15
69	صاحب رجيل	16
72	قول يا معلم	17
76	كيف أنام	18
81	هبة النيل	19
86	وحشتيني	20
93	وصانى أبويا	21
99	الفهرس	#